



মাধ্যমিক ও উচ্চমাধ্যমিক শিক্ষা বোর্ড, ঢাকা

www.dhakaeducationboard.gov.bd



নং-ঢাশিবো/বি/১২২/ঢাকা/ ১৬৫(৯)

তারিখ: ১৬/০৫/২০২৩

বিষয়ঃ বিদ্যালয়ের প্রতিষ্ঠাতা সদস্য প্রসঙ্গে।

সূত্র : (১) মহামান্য হাইকোর্ট বিভাগের দেওয়ানী রিভিশন নং- ১৫৭৮/২০০৭, তারিখ:- ১৫/০২/২০১৭ ইং এর আদেশ এবং ২৮/১২/২০১৬ ইং তারিখের সম্পাদিত চুক্তিপত্র।

(২) প্রধান শিক্ষকের ১৯/০৩/২০২০ ইং তারিখের আবেদন।

(৩) বোর্ড কর্তৃক প্রেরিত পত্রের স্মারক নং- ঢাশিবো/বি/১২২/ঢাকা/৩০৭০ তাং- ২৮/১০/২০২০ ইং।

(৪) প্রধান শিক্ষকের ০৯/০৩/২০২৩ ইং তারিখের আবেদন।

(৫) শিক্ষা মন্ত্রণালয়ের স্মারক নং- ৩৭.০০.০০০০.০৭২.৩৩.০৫৩.১৭.৬৯১, তারিখ: ২০/১২/২০২০ ইং এবং বোর্ডের স্মারক নং- ঢাশিবো/বি/১২২/ঢাকা/৬৩ তারিখ: ৩১/০১/২০২২ ইং।

উপর্যুক্ত বিষয় ও সূত্রের প্রেক্ষিতে জানানো যাচ্ছে যে, সূত্রোক্ত (১) নং ক্রমিকে উল্লিখিত মহামান্য হাইকোর্ট বিভাগের দেওয়ানী রিভিশন নং- ১৫৭৮/২০০৭, তাং ১৫/০২/২০১৭ ইং এর আদেশ এবং ২৮/১২/২০১৬ ইং তারিখের সম্পাদিত চুক্তিপত্রের ক্রমিক নং-১০ অনুযায়ী "শিক্ষা মন্ত্রণালয়ের নিয়মনীতি অনুসারে জনাব এ,কে, এম, বরকতউল্লাহ, ওয়ারী আবেদ উচ্চ বিদ্যালয়-এর প্রতিষ্ঠাতা সদস্য হিসাবে থাকিবেন" মর্মে উল্লেখ রয়েছে।

নিম্নে প্রতিষ্ঠাতা সদস্য সম্পর্কিত বোর্ড এবং শিক্ষা মন্ত্রণালয়ের বিধি-বিধান উপস্থাপন করা হলো:

১। বেসরকারি মাধ্যমিক স্কুলের ম্যানেজিং কমিটি বিধিমালা ১৯৭৭ এর বিধি এর উপ-বিধি ৩ (ই) অনুযায়ী, প্রতিষ্ঠাতা হবেন যিনি প্রতিষ্ঠানটি প্রতিষ্ঠার সময় এক সাথে ১৫, ০০০/- (পনের হাজার) টাকা নগদ বা পনের মাধ্যমে প্রদান করবেন। যা পরবর্তীতে ২৪/০৬/২০০৪ ইং তারিখে সংশোধন করে ১,০০,০০০/- (এক লক্ষ) টাকা করা হয়। উপ-বিধি ৩ (ই) এর (ii) অনুযায়ী, যে ব্যক্তি স্কুল প্রতিষ্ঠার জন্য প্রয়োজনীয় জমি দান করেছেন উক্ত প্রতিষ্ঠাতাগন সারা জীবনের জন্য ভোটার হবেন এবং প্রতিষ্ঠাতা সদস্য হিসাবে নির্বাচনে অংশ নিতে পারবেন। তবে উক্ত বিধি কার্যকর হবার অব্যবহিত পূর্বে যার নাম প্রতিষ্ঠাতার তালিকায় অন্তর্ভুক্ত রয়েছে, তিনি ও প্রতিষ্ঠাতা হবেন।

২। বেসরকারি উচ্চমাধ্যমিক কলেজের গভর্নিং বডি বিধিমালা ১৯৭৭ এর উপ-বিধি ২(সি) অনুযায়ী, " প্রতিষ্ঠাতা বলতে যিনি কলেজ প্রতিষ্ঠার সময় নগদে বা পনের মাধ্যমে ২৫,০০০/- (পঁচিশ হাজার) টাকা দান করেন বা ট্রাস্ট ফান্ড দলিল ও অন্যান্য দলিলে বা প্রতিষ্ঠাতা তালিকায় যার নাম আছে তাকে বুঝায়"। যা পরবর্তীতে সংশোধন করে ২,০০,০০০/- (দুই লক্ষ) টাকা করা হয়।

৩। ম্যানেজিং কমিটি গঠন সংক্রান্ত বিধিমালা এস.আর. ও নং-৯৯/আইন/২০০৯ এর প্রবিধি ২ এর উপ-বিধি 'ছ' বিশেষ ভাবে লক্ষণীয়, এখানে " প্রতিষ্ঠাতা" অর্থ মাধ্যমিক বা উচ্চ মাধ্যমিক স্তরের বেসরকারি শিক্ষা প্রতিষ্ঠান প্রতিষ্ঠাকারী কোন ব্যক্তি বা ব্যক্তিবর্গ, যিনি বা যাঁহারা সংশ্লিষ্ট শিক্ষা প্রতিষ্ঠান প্রতিষ্ঠার নিমিত্তে অন্তত ১০ (দশ) লক্ষ টাকা নগদে বা চেকের মাধ্যমে কিংবা সমমূল্যের স্থাবর সম্পত্তি সংশ্লিষ্ট শিক্ষা প্রতিষ্ঠানের অনুকূলে দান করিয়াছেন, তবে এই প্রবিধানমালা বলবৎ হইবার অব্যবহিত পূর্বে বিদ্যমান মাধ্যমিক বা উচ্চ মাধ্যমিক স্তরের বেসরকারি শিক্ষা প্রতিষ্ঠানের গভর্নিং বডি বা ম্যানেজিং কমিটি সংক্রান্ত কোন প্রবিধানমালা অনুযায়ী কোন ব্যক্তি বা ব্যক্তিবর্গ কোন বেসরকারি শিক্ষা প্রতিষ্ঠানের প্রতিষ্ঠাতা থাকলে উক্ত ব্যক্তি বা ব্যক্তিবর্গ এই প্রবিধানমালার উদ্দেশ্য পূরণকল্পে, সংশ্লিষ্ট বেসরকারি শিক্ষা প্রতিষ্ঠানের প্রতিষ্ঠাতা হিসেবে গন্য হবেন"।

ম্যানেজিং কমিটি গঠন সংক্রান্ত প্রবিধানমালা ১৯৭৭ ও ২০০৯ এর উক্ত বিধি অনুসরণ করলে দেখা যায়, একমাত্র প্রতিষ্ঠানকালীন সময়ে যিনি নগদ অর্থ বা সমপরিমান পনের মাধ্যমে প্রদান করবেন বা ট্রাস্ট ফান্ড দলিল ও অন্যান্য দলিলে প্রতিষ্ঠাতা তালিকায় যার নাম অন্তর্ভুক্ত থাকবে তিনিই প্রতিষ্ঠাতা সদস্য হিসাবে গন্য হবেন।

৩। ২৮/১২/২০১৬ ইং তারিখের সম্পাদিত চুক্তিপত্র অনুযায়ী, বর্তমান মোতওয়াল্লি জনাব এ.কে.এম. বরকতউল্লাহ নতুনভাবে প্রতিষ্ঠাতা সদস্য হিসাবে অন্তর্ভুক্ত হওয়ার বিষয়টি শিক্ষা মন্ত্রণালয় কর্তৃক অনুমোদিত ম্যানেজিং কমিটি /গভর্নিং বডি গঠন সংক্রান্ত প্রবিধানমালা ১৯৭৭ ও ২০০৯ এর অনুসরণীয় বিধিমালা/নিয়ম-নীতির সাথে সম্পূর্ণ সাংঘর্ষিক। উল্লেখ্য, বিদ্যালয়টি প্রতিষ্ঠিত হয় ০১/০১/১৯৬৬, নিম্ন মাধ্যমিক পাঠদান ০১/০১/১৯৭২, মাধ্যমিক পাঠদান ০১/০১/১৯৭৬ এবং এমপিও ভুক্ত হয় ০১/০৯/১৯৮৪। সূত্রোক্ত (৫) নং ক্রমিকে উল্লিখিত ৩১/০১/২০২২ ইং তারিখে বিদ্যালয়ের নাম "ওয়ারী উচ্চ বিদ্যালয়" হতে "ওয়ারী আবেদ উচ্চ বিদ্যালয়" করা হয়েছে।

ইতি পূর্বে সূত্রোক্ত (৩) নং ক্রমিকে উল্লিখিত পত্রমূলে এ সংক্রান্ত বিষয়ে অবহিত করা হয়েছে।

সূত্রোক্ত (৪) নং ক্রমিকে উল্লিখিত গৃহীত পত্রানুযায়ী বিষয়টি আপনার জ্ঞাতার্থে পুনরায় অবহিত করা হলো।

চেয়ারম্যান মহোদয়ের আদেশক্রমে

প্রাপক : প্রধান শিক্ষক
ওয়ারী আবেদ উচ্চ বিদ্যালয়
ওয়ারী, সূত্রাপুর, ঢাকা।

স্বাঃ
বিদ্যালয় পরিদর্শক
মাধ্যমিক ও উচ্চমাধ্যমিক শিক্ষা বোর্ড
ঢাকা।

মেমো নং- ১৬৫(৯) (৭)

সদয় অবগতির জন্য অনুলিপি প্রেরিত হলোঃ

- ১। জনাব কাজী ফিরোজ রশীদ, মাননীয় এমপি, ঢাকা-৬, বাংলাদেশ জাতীয় সংসদ।
- ২। সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা
- ৩। মহাপরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, বাংলাদেশ, ঢাকা
- ৪। জেলা প্রশাসক, ঢাকা।
- ৫। জেলা শিক্ষা অফিসার, ঢাকা।
- ৬। সভাপতি, ম্যানেজিং কমিটি, ওয়ারী আবেদ উচ্চ বিদ্যালয়।
- ৭। অফিস কপি।

তারিখ: ১৬/০৫/২০২৩

বিদ্যালয় পরিদর্শক
মাধ্যমিক ও উচ্চমাধ্যমিক শিক্ষা বোর্ড, ঢাকা।